

Promer Ministro Eman NEGLIGENCE NA WEB TA PONE CORIENTE BAY

ORANJESTAD(AAN) -- Recientemente Gobierno a laga haci un investigacion na WEB relaciona cu e baymento cu frecuencia di coriente.

Den un entrevista cu Promer Ministro Eman, DIARIO a puntra e mandatario si e investigacion a tuma lugar y si esaki ta e caso, kico ta Gobierno su punto di bista al respecto.



NEGLIGENCE NA WEB

Promer Ministro Eman a duna di conoce cu e investigacion a tuma lugar y un rapport a worde traha. E mandatario a indica cu Gobierno no ta kere cu ta necesario cu coriente ta cay afo cu frecuencia. Gobierno ta di opinion cu ta un negligencia basta serio na WEB ta e causante di baymento di coriente.

E investigacion cu e team apunta pa Gobierno a haci, a indica cu ta debi na negligencia, coriente ta cay afor cu consecuencia cu hopi establecimiento y casnan na Aruba ta sufri daño. Manera ta conoci, Gobierno a institui un team di expertonan cu sa di e planta pa haci un investigacion y un rapport a worde traha.

SISTEMA DI RESERVA

Promer Ministro Eman a indica cu e team a constata cu na WEB no a tuma e trabao na serio manera mester ta y esey a causa cu coriente a bay na diferente ocasion na Aruba.

Gobierno lo bay actua den e asunto aki. Lo bay percura cu tin sistemanan di reserva pa den caso cu si algo pasa

mes, dentro di algun minuut por resolve e problema.

No por ta asina cu un pais manera Aruba, caminda ta pretende cu e pais ta asina avanza, ta keda horas sin coriente. Esaki ta imposible.

GOBIERNO ANTERIOR A DAÑA ASUNTO

Promer Ministro ta di opinion cu e control na WEB, e pueblo di Aruba mester tin esaki den su man.

El a señala cu e Gobierno anterior a haci cosnan pa cu e estructura nobo di WEB cu a debilita Gobierno pa tin un maneho directo ariba e unico empresa di coriente ariba e isla.

Actualmente e estudionan necesario ta tumando lugar pa atrobe Gobierno por tin maneho directo ariba WEB.

Caso serio bao investigacion!

SPIONAHE COMERCIAL DESCUBRI NA ARUBA

ORANJESTAD (AAN): Mainta trempa un Tecnico di e compania di seguridad SOS, kende ta ex-empleado di Normark lo a cay den trampa. Segun informe cu ex-empleado aki lo ta buscando den forma di spion, informacion comercial relaciona cu clientenan di e compania Normark. Esaki naturalmente segun decencia comercial no ta cuadra.

Ta asina cu den e oranan trempa gerencia di Normark lo a pone Polis na altura cu un ex-empleado ta busca problema. Polis a bay na Normark y a papia cu gerencia. Ta parce segun informe cu e ex-empleado tabata enbusca di informe secreto con nan funcionamiento ta, y kende aparentemente lo ta nan clientenan.

E ex-empleado di inicial G.R.O.N. a firma den un declaracion di lo a comete e acto aki. Polis a intermedia den e caso aki.

Segun informe cu

DIARIO ta dispone di dje ta indica cu e caso lo bay mas leu y hasta lo por bay para te den Corte di Justicia. Si

acaso e caso aki worde trata den corte lo e ta un di e prome cu ta trata spionahe comercial.



ZUNOCA ARUBA N.V.
Schelpstraat 58 - Telefoon 25523

BOLIVAR

Special pa December
BS. 1000.00 pa Afl. 10,50

Very Special: Ariba BS 300.000.00

Ultra Special: Ariba BS 1.000.000.00

Tambe Transferencia pa Venezuela (BS) y
pa Colombia (Pesos) den menos di 24 ora